

**Bicol - Namimibi Salmo - WP Psalms**

**Salmo 68:1 Tumindog logod an Dios, makawarak logod an saiyang mga kaiwal; dumulag logod an mga naoongis saiya!**

**Salmo 5:9,10 Huli ta mayo nin katotoohan sa saindang ngoso; karatan an nasa saindang puso. An saindang halonan sarong bukas na lulubngan; an saindang dila pano nin kaputikan. 10 Padusahan mo sinda, O Dios, huli kan saindang kasalan. Huli kan saindang mga plano, logod sinda mapukan. Pahalea sinda sa saimong atubang, huli ta sinda nagkasala saka nagtumang saimo.**

**Salmo 11:6 Pinapauranan niya nin nagkakalayong mga baga saka asupre an mga maraot; pinapadusahan niya sinda nin nakakapasong doros.**

**Salmo 18:14 Nagpana siya asin nagkawarak an saiyang mga kaiwal; pinakikilat niya asin nagdurulag sinda.**

**Salmo 18:17 Ilinigtas niya ako sa makosog kong mga kaiwal, asin sa gabos na naanggot sakuya; huli ta dai ko kaya an kosog ninda.**

**Salmo 18:39 Pinakosog mo ako sa pakikilaban; an mga kaiwal ko tinumba mo sa sakong pamitisan.**

**Salmo 18:45 Pinanruluya an saindang boot, asin tinatakigan na nagruluwas sa saindang mga bantayan.**

**Salmo 27:11 Tukdoan sako, Kagurangan, an saimong dalan, asin pangenote ako sa tamang agihan, huli ta dakul an sakong mga kaiwal.**

**Salmo 35:1-8 Iwalon mo Kagurangan, an mga nakikiwal sako; labanan mo an mga nakikilaban sako. 2 An saimong kalasag asin armas kuahon mo, asin madya, tabangan mo ako. 3 Andama an saimong garod saka patok, tumang sa mga naglalamag sako. An kalag ko saimong taraman, "Ako an saimong kaligtasan!" 4 Mapano logod nin sopog asin disonra an mga nagmamawot kan sakong kagadanan! Magsiribog logod asin magkarilibong an mga nagpaplano sako nin karatan! 5 Magin arog logod sinda sa ata na ipinapadpad kan doros, mantang linalamag sinda kan anghel nin Kagurangan! 6 Magin madiklom saka mahalnas logod an saindang agihan, mantang pinapadusahan sinda kan anghel nin Kagurangan! 7 Mayong dahelan na nagbugtak sinda nin siod para sako; mayong**

**dahelan na nagkalot sinda sa pagdakop sako. 8 Bigla logod na dumatong sainda an karatan, madakop sa siod na saindang tinahoban, mahulog sa kalot na saindang inandam.**

**Salmo 52:5 Alagad tutunawon ka nin Dios sagkod pa man; kukuahon ka niya asin hahaleon sa saimong erokan; gagaboton ka niya sa daga nin mga nabubuhay.**

**Salmo 60:12 Kun kaiba nyato an Dios, kita manggagana; siya an maronot kan mga kaiwal ta.**

**Salmo 66:3 Sabihan nindo an Dios, “Makangangalas an saimong ginibohan! Dakula nin marahay an saimong kapangyarihan, kaya an saimong mga kaiwal minaduko sa takot sa saimong atubang.**

**Salmo 68:35 Kinatatakotan an Dios sa saiyang santwaryo, an Dios nin Israel; siya minatao nin kapangyarihan asin kosog sa saiyang banwaan. Pag-omawon an Dios!**

**Salmo 70:1 O Dios, ligtasan ako! Kagurangnan, paghumare sa pagtabang sako!**

**Salmo 71:13 Mapasopog logod asin madaog an minasalakay sako; magkasoropog saka mawaran nin dangog an mga boot magkulog sako.**

**Salmo 76:12 na minaputol kan hinangos nin mga prinsipe, na minatakot sa mga hade nin daga.**

**Salmo 118:10 Pinalibutan ako nin dakul na kaiwal; alagad ginaradan ko sinda sa ngaran nin Kagurangnan!**

**Salmo 118:12 Pinalibutan ninda ako siring sa mga putakti, alagad napalsok tolos sinda siring kan kalayo sa katonokan; alagad ginaradan ko sinda sa ngaran nin Kagurangnan!**

**Salmo 149:8,9 tanganing kadenahan an saindang mga hade; asin kadenahan nin lansang an saindang mga lider; 9 tanganing hukoman an mga nasyon, sosog sa pagboot nin Dios. Ini an kamurawayan para sa gabos na maimbod sa Dios. Omawon an Kagurangnan!**